

慈利縣志卷第四

地理第一之四 澧水

澧水自大葉平南岸入縣西北境東南流三里大峒溪水自西南來注之又東南十二里徑瓠溪市瓠溪水自西南來注之又東三里竹子溪水自西南來注之又東屈南二十七里徑四里潭屈於江口大田河水自東北來注之又東一里屈櫛木溪縣始有北岸是界鶴峰又東南五里徑勅書平撒珠溪水自西南來注之又折南屈東徑駱家山凡二十五里屈於魚里之亂

澧水自孫家壩入縣境

為縣西北戌方距縣人鳥道及經緯度見地理圖

其北岸曰大葉之平鶴峰轄也中江

為界徑此又四十餘里東及櫛木溪始全有南北九域志慈利有澧水澧水經注作婁以為源出巴東明史地理志則曰澧水出巫山縣亦名後江巫山今東川道屬也在大江之北巴東雖江南顧中限清江宜昌江名相去各五六百里惡有餘波為澧濫觴然則注與明志斷妄矣今案澧實出鶴峰縣治西北七眼泉徑薑洗河東南流二百餘里而入

慈利縣志

地理

一

縣界又南三里徑公王廟右得大峒溪水水出天星山天星縣西北盡山也雄岨高危

北鶴西桑牙錯三縣其椒有寺爰號壯祠寺旁石井日供千夫鬯汲不涸斯亦云異水

東流可十里右合小峒溪水而入於澧凡十里餘天星之西南有平曰柿油之平平亦名四

圍高原方廣山圍其塞昔有耕者犁土出甕獲玉玦七大小相貫前志因疑為即元置

柿溪州地案之他書委無證見今驗其隅並複溪桀嶺錯接百蠻而當故元時桑鶴未

附西北一方孤懸浮寄則建官以分治控險以保民準茲川谷似若未遠柿溪在縣十四都今桑植

內半縣上澧水又東右得瓠溪水水出抱耳巖俗謂之瓠溪源北流左得夾河水夾河

水出桑植獅子腦東徑夾河平合瓠溪水逕瓠溪市而入於澧凡二里瓠溪小市有數十

家之集然列廛僅三四貿買非盛是號枯寂近澧人趙植棠發現廖家山鉛鑛計畫以

瓠溪為輸出水步倘步塵水口異時市集定券改觀自瓠溪以訖四里潭南水來入者

四一竹子二沙南三棕樹四野茶溪均出天字堰各十里餘天字堰亦大山也雄嶂遠連上

負斗漢危溪側嶺十里罕煙澧水又東徑江口左得大田河水水出鶴峰鐵路平西南



流徑江口市入淩凡三十餘里其南岸少東即撒珠溪水北注口也凡十餘里水出青佛山山脅

有橫巖是產硫黃厥苗號富其東曰騾子巖入雲萬仞層聳合沓行者間關擬足生愁見爲天險有逾蜀道山林之牢此蓋號最淩之出江口而東也石嶮湍峻江行詰曲尺阻寸礙估船下駛每屆危灘動須纜絆逆挽放溜用避水鋒而上泝經汛則節節艱虞一灘數里一里數日故里諺方之下水爲墜淵上水爲登天云魚里亂者所謂淩西危灘之一也舊傳灘上有公王神能示民禍福舟者經過必虔祀之今瀕水遺祠丹堊猶赫而前志紀聞頗豔稱公王求婦事爲鑿鑿著之是又巫炫河伯之類其無稽不經固通識所弗道也公王祠前有公司曰晉豐湘潭陳小槎主之專采北岸偏孔溶硫黃清光緒末出貨特旺旋以盜起剽貨殺人日月有聞黃采遂廢政治不綱間接受禍乃中實業欲民無疋其何可得

又東十里徑泉潭屆於星亂折南一里徑梯市五里溪水自北來注之又東屈南徑廖城三里屆金藏梧子溪水自東北來注之

## 慈利縣志

地理

二

星亂一名新灘或曰老虎灘也石怒湍長危埒魚里估船上下咸徑此撥載放空泉潭

者官地平輸貨入淩水步高峰瞰江石級四千六百餘行徑螺折百貨飛挽並篋絡背

負俗謂之背籠

男婦同力越岨驀澗迅若獾狖官地平者當泉潭西南二十五里其東爲黃

家臺又東爲趙家平溪阻其南踰溪有山曰擷薜稚松千萬青蒼蔚然尤麗雨晴平廣

原錯接方三十里土貨之出爰饒油棕他薪竹梨蜜稱是故歲出號爲給足平有水南

流至大余頭而伏凡十餘里其西十里又有水入桑植是曰大泉平水水西又南卽橙子界

塘縣西北盡境也先是縣治偏東南縣官臨治常苦鞭長未易鈴控而官地平遠懸西

鄙二三百里外其俗尤桀悍椎埋剽劫愍不顧畏有里人羅武漢者謀所以馴柔之特

斥別業建學牖民舊所稱蘿洞書院是也旋遭凶饑膏廩莫嗣汔廢延師絃誦沮歇論

者惜焉近十年還縣政失統羣盜如毛官地平一隅爲其出沒場所殺人火屋見慣不

驚卽王育璜之眾亦頻煩出入費糧屛屨民力抑幾何天不惠卹使無小憩挺險之鹿

反噬之獒負嵎騷然他日之事蓋有難言淩水徑泉潭又東屆於梯市左得五里溪水



水出段家廠徑斗笠尖合排兵山水東南流凡十里山高聳雄橫築出一方其以名者豈

狀體若列仗與未至漣五里左得撞母溪水凡十里是徑廖城廖城白抵城也用宋廖彥

叛據得名嵯峨萬仞峻疊若墉其南俛漣僅二道可資出入上負平土水田連頃相傳

元末大亂民有結砦保此者寇或來鈔圍攻經歲見上棄稻秉乃舍去昔臨豐富人蔣

姓亦買此山世亂避地茲之險扼何異桃源其南岸曰金藏渡山亦石戴迫立如斬西

曰棺材巖鑿徑天險康解元講蘿洞於此回車又東屈南左得梧子溪水類篇梧木名

依樹生枝如網音切為蒲回即今藥中五倍子案五倍子蟲窠也以販得五倍利為名

縣產蓋多有故此以號溪水出鶴峰之鄙西南屈曲合小水十數徑十排溪西流屈楊

柳平右得黃連尖水凡七又西徑固城右得白石小岔溪二水凡十以西入於漣凡五

里自十排以接白石並萬嶺錯襲土無寸夷又多祕林罕睹聚落獠臂虎迹耳目所搆

慄魄悸魂所謂窮微甌脫見似人喜者此殆近之矣

又南曰銅瓢之河五里徑人潮溪市人潮溪水自東北來注之又南徑星亂十里屈南斗

### 慈利縣志

地理

三

溪市南斗溪水自西南來注之是饒鐵產歲息稱羨又折東七里魯陽溪伏水自西南來

注之又東屈北徑百步磴屈木龍潭凡十五里又東曰兼拔之河又東徑龍潭彎屈雪泥

湖凡二十里冷水溪水自北來注之又東屈南七里屈於柳枝之平羊韓峪水自東北來

陶家峪水自西南來對注之

人潮小市也漣抱其西溪注其東若倒書人字故名水出牛鹹溝西南入漣凡十前志

誤以為出石門埡非是自楊泗廟東迤四十里並危壁高巖至此豁露平土溪入漣處

小阜攔其兩旁若牙錯阜內村落相續水田腴美陳存吾父子以文行鵠俗即宅此水

漣水又東徑城牆巖屈南斗溪市巖斜長數丈截江若門限陳伯常詩所謂不許魚龍

輕出入也市右得南斗溪水水出五層坡徑白虎峪北注於漣凡二十五層坡一名五

層界插天萬疊立若擣菹自此西向徑黃鱔峪入十四都以汜於桑植東境一山而起

九十九尖故名山九十九尖云其水一由白虎峪東北流入漣一由水田平西入桑植

水田平實產陶器又富硫黃礦苗甌脫華離雖有利門莫知牖啟亦交通有以限隔之



乎踰山西南即縣走官地平間道自九溪而西瀕瀟列市是分三塵上人潮中南斗下魯陽然並彈丸黑子簡寂蕭索非復壯集魯陽溪者俗呼作柳陽一統志作魯侯水三源中出余湖見下西九十九尖山東仙女山水南流折西徑柳樹塌又屈北屈三神潭而右合野牛見下湖水凡七又北屈於對馬嶺之南凡三十餘里伏而北行其西北曰馬河之口是爲十四都九十九尖水東流徑分水嶺屈於偏橋左得馬家溪水凡十又東亦屈對馬西南而伏凡三十餘里凡三水各伏行二十餘里出對馬之北屈乾洞匯爲魯陽溪又北十里而注於瀟焉瀟水徑魯陽屈北折東屈於木龍之潭逕腰埠頭百步磴在焉由五甲平西沂者咸於潭口趁舟地險人稀舟費特昂旅行求避險固亦無術與計較木龍潭南北民悉燒石作灰方舟轉販利號不貲故潭於瀟西稱大窰也又東曰兼拔之河兩厓退豁中坵大平其南曰十甲六甲北曰五甲九甲一甲並東西相銜鱗比繡錯袤二十里訖於雪泥湖始仍縮合瀟之東經茲最爲曠沃腴區矣當九甲北有峰矗起曰吼巖之頭拳阜峭立鬱然隱秀巒壑紛映每眺忘疲雪泥湖一名歇力埠由此遵陸

# 慈利縣志

地理

四

不出一里水行則二十里不劫此亦如澧徑溪口長潭間水陸比例之差異矣又東左得冷水溪水水出余家橋逕猴兒寨南流十五里入瀟前志稱其出西連殆又踵誤又折南徑柳枝平左得羊韓峪水右得陶家峪水各十里羊韓陶家二峪之間亂阜紛碎如裹如抱民勤樹殖歲擅贏利曰桐曰茶亦曰木子斯其最也初瀟西百里並高崖負霄旅行所經蟹爬猿攀千丈不測失勢下睨動輒隕踣見者軫恫相與勤治往往飛棧危磴盤雲干日及至巖阻則又輔以舟楫按步分送首爲泉潭十五里次則金藏六里次人湖溪五里次南斗溪五里次木龍潭十五里次雪泥湖七里次柳枝平十五里總厥船步通凡七津云

又南十五里徑馬鬃嶺屈范家洲瀟水自西南來注之

瀟水亦縣內大川也出大庸張家界東南流十五里屈止馬場入縣二十都西境是徑青巖山山在縣西百五十里崇巒大谷接連數縣其首起於鄂鄙自此北爲縣界南則大庸又三十里東及太華縣始有南境山勢東行凡又百二十里訖永安渡其尾始竣



陽澄陰漉橫亘南北峰截溪盤隨分異號蓋亦所謂赤縣之奧區焉顧箐谷阻祕時萌  
牙孽山有神堂寨傳南宋末有向某兄弟負險稱兵敗死爲厲里岷立祠禳解今上下  
三天子廟歸然猶存清光緒中盜魁陳某竄伏山內使府名捕竟至用兵困獸死鬪殲  
我壯士僅乃梟之雖搏兔割雞騰笑有識而藏疾伏戎先事之防毋抑未慎又東徑觀  
音洞礦富煤鐵水北流折東徑瀟溪峪屈軍邸平右得百丈峽水峽袤三十里兩崖呀  
合縣界中分西厓飛壁有百丈峽三字字徑丈許懸巖萬仞大書深刻疑爲鬼工夏子雲百  
丈峽詩尋常山裏數奇峰玉筍成形插楚封澗道凍雲隱斜日寺門長阪度疏鐘古苔  
一望迷幽徑峭壁千年挂老松玉壘匡廬曾浪迹巨靈移嶽此重逢又稽延泰詩削掌  
崢嶸不可階牢籠萬狀迥無埃半山怒石橫春筍一壑奔泉走夏雷風送虎聲昏白日  
岸懸鳥迹隱蒼苔奇雲深鎖磨崖迹丈尺何人細數來又曾傳構銘千尋之嶠萬仞之  
落俛臨駭愕有巍雄關九溪之間懾彼頑奸詞汝亂黨伏於其莽捕置法網盜胡受鞫  
誅服其非衛侯之威良誰拊循德被於鄰衛侯之仁猗與我侯勒頌山阪與人之謳

又有分守上荆南道兼九永兵備右參政胡桂芳明嘉靖中題詩亦若偉岸詩云峽高百丈洞雲  
深要識桃源此處尋戒旅徐行風雪緊誰將與盡類山陰 其外則萬石筍立高秀入天石並緒赤連峰高卑彌漫皆  
徧闖眼突兀奇甲天下中爲開口關明代舊戍也是爲九溪四關之一今廢塘汛如毛

# 慈利縣志

地理

五

羣盜乃恣出沒論者因咎詰暴失術謂爲遺算曰利曰害蓋又難正言矣百丈水者前  
志作下關溪而水道提綱作茶溪今猶蒙此號豈茶聞聲誤與惟提綱承上文序九溪  
河茶溪自西南來注之若此水亦徑入瀟則爲少戾次風浙籍不知瀟爲正流能受羣  
水下文列九渡水於石門下殆同此踵謬軍邸平亦名沙平以南宋駐軍討向得名瀟  
徑其前水田十里清嘉道間爲羅大恩所有一夕水溢腴阡半毀後屬毛宗植宗植好  
賓客庭院靚穆杯酒常設今死十年耳宅燬於兵人事反覆一彼一此不可思議韓昌黎  
平詩侵晨過山原飄蕭乘秋色石骨怒掀天隱隱立精鐵寒水遠不流林火候明又東  
滅一石一天地倏空有微雪我來開泉香超然忘干謁幾時之林皋放歌破愁絕

徑俞家觜右得白虎堂黑曹峪水俞家觜臨流小集也老木扶疏蔚然蒼碧又東爲鄧  
家平廣袤十里毛紹儀即其祖廟創辦學校三所慨割田租哀其經費校旁列主祀民  
國以還團民搏寇死者三十餘人規模不大而在偏遠抑若可稱折北逕河口左得鵝  
峰泉水又屈東逕胡袁二平又東屈三官臺右得水車平水水出蘆峪溪瀟南羣山自  
寶峰以東飯甑以西百里之間大溪小澗遠至十里近二三里旋即伏流獨此溪逆行



來注凡二十號澆水東支蘆峪東十里有山曰坼巖之平亂峯塹園內坼平土厥縱八

里橫得三一西北石壁垂乳肖物隨目成狀土戴中蹲上負一寺以饒產蘭楸曰香山

每山漲羣發水宿不去四眺瀾汗拳岑出波儼若洞庭君山近有陳萬章者卜築山旁

課耕種德不入州府人號隱門稱此川巖三官臺者今名三官寺縣西趁墟大集也即

孫吳淩中舊治千年廢墟犁為曠土賸壁遺隍百無恍惚然重咀環抱廣川帶野相厥

陰陽疑亦非誣水東有山曰雲臺其西曰半尖又西南曰貓兒嶺山並南趨巘壑曠鄙

雖玄奇特罕而扁鑄斯嚴矣澆之徑洪河潭至三官寺也昔皆北流近改趨南陵谷變

遷今昔判然清末有李謝二姓鑿牯牛巖引洪河潭水溉沙平田畝一時稱巨工美利

澆水既受水車平水折北徑李家平仕平唐以祀中將宅在焉以祀辛亥八月起

義宜昌與鄂響應號革命首功又東屆新橋右得八斗丘左得季子溪水實為西北入

澆二大支又東屆趙家岡右得雙河水一名兩水出茅花界之陽提綱誤為瀉牛坡水

自西來會者也茅花界縣西北雄嶂負雲霧野勢盤百里桑九驛塗皆徑於此吳愈材茅花界

# 慈利縣志

地理

六

詩我屋西南維岸然一壁列斗勢千層霄闔眼一天飽併日營艱食閭井缺重坎窪五金

幽閉國民拙歐美雄地破瘴強結招隱為時艱飲冰滌內熱又田金楠吳君墓志銘三國

貧訣坐石心煩窳看山破瘴強結招隱為時艱飲冰滌內熱又田金楠吳君墓志銘三國

吳郭畝田饒沃號為奧區清光緒初嘗一過其地憑弔故墟時低徊往復於懷而不能

去中華民國十年門弟一支也環居多吳氏宋末有統志者是為君慈利始遷祖君諱

兒坡者澆中旁近山之吳愈材居多吳氏宋末有統志者是為君慈利始遷祖君諱

羅桂生僅一女嗣族兄子名幼嬰痲疾廢書課農督耕事母失時歲入有贏配唐氏繼配

其諸可喜愕事嘗謂愈材也君卒光緒十九年十一月十三日年六十九今去葬時二

十九年廟兒坡為予向者所未經懸想一抔之宅實西北面茅花界其雄奇甲吾一縣

為控勒蠻苗一大藩蔽故居其野者皆崇本務茲由君之過去更券愈材他日之未

知有中風俗之淳厚與太璞類是然五方之風氣不至其俗醇醇亦不習於侈翳君挺生

專於本務教家型里有穀貽孫又多文以濟美二中有紗帽山傳為楊梓人世居有泉

坦途者君祖若孫完然踐履鏡石詔來刻不可毀

曰楊公距泉半里得石柱二刻文曰楊君初封陝州閿鄉縣男又封安鄉縣子柱凡八  
稜高二丈許案梓人仕元無此穹階疑亦先世封蔭柱蓋其表墓之石歲遠壟廢僅存  
此文理倘可證踰山而西曰野牛之關前代九溪控桑植土司之要戍也故亦有關名



明參議華福過野牛關詩匹馬尋幽嶺路長解鞍  
暫駐舊碑旁東峰月出西峰白愛看冰輪坐夜涼其下爲野牛湖狀類嵌釜羣水都焉

清咸豐年大贖羅姓來買此湖鑿山洩水遂成腴畝然羅爲異籍又不能強土著設詐與相訟鬪獄結連歲坐覆其貲大庸往時候知縣乃以賤直貨而有之其北即瀉牛坡塘有水南注於湖西涯曰竹葉平平盡又得一湖俗名余湖余字不見字書文從入水云水伏也方言讀若采音疑亦俗文湖視野牛大倍二十西桑南庸毗接三縣舊有四十八大汊四十八小汊之目亦爲桑九經塗東北洩水僅恃一坎故汛發瀾漲每須舟楫頃議者頻謀疏決役大費煩築室搏沙汔無確畫後有經世君子苟謀遠圖力舉茲役則澗鄴利秦要其成功前豹後白不難方駕湖又北爲碾子抱縣西境盡於此矣自三官以西訖於茅花之北俗並喜鬪訟方音亦異女婦田作解履赴職有苗蠻之遺風顧氏利病書曰悍直樸梗伐木燒畚以殖五穀崇山以南刺膚血以祀神茅花界以外不知甲子以今况昔蓋猶似之乃者胡李盜兵始於四年殺團總李修齋修齋諸生口吃多金喜爲正言故用及禍盜既竿修齋級三官寺示威縱掠又入市南株木岡學校

## 慈利縣志

地理

七

殺三學生去一方大譁駭互謀保救明年胡左奉起揭旗討袁由是四三載凡茅花界東西潦水南北無月不火屋無歲不殺團總無時無里不綁票勒贖金匪惟羣盜正式國軍一入其境咆哮隳突摹仿步驟靡弗宛肖唐晉棠軍在縣較名正派乃突一招降隊來號曰暫駐待編而一切給養悉團負之若是者凡百日卒乃閩變挾械逸去此邦之人蓋可云最不幸又東徑了角山南麓屈王家平屈北折南有邱蹲水外圍若玦上列層構窗虛蔭茂頗宜憩眺其南曰麻山山狀高平疊若列壩下饒秔稻擔負趨湊利號不貲又旁野鵝山傳爲明尙書唐鐸葬處明史本傳唐籍虹縣即今泗縣考其族譜稱爲慈產有無附會不敢懸斷自新橋迤東北界十九都南則二十一都山漸偪合狹僅容溪綜計沿水土不能田悉予植茶歲取其實榨油外販亦稱巨利又東徑升斗潭溪不能潭而曰升斗豈狀其狹乎又東屆范家洲而入於澗凡百一范家洲疑即前志之許家洲北有平邱清光緒中吳悔晦等移建澗江書院工甫半而罷瀕厓有六陽樓是屆水會北潦西澗正南江埡東九谿營襟城帶市爰稱靈區又北爲馬頸峰今日馬



鬃嶺壁立崢嶸一徑細陔樵蘇所萃一統志誤分馬頸馬鬃爲二峰而又通入之今臨澧縣斯則沿稱之未審矣

又南屈東一里屈於九谿故衛城之墟也其北曰北山是爲公有學產南岸曰江垵之市又北屈東七里乾溝水自北來注之

衛城三方抱水惟北郭枕山內有土臺突起直拱極門拱極城北門也異時有事即臺置礮外捍內戍隱一雄蔽城北高而南下游擊靡偏西制頗卑窘不稱崇衙轅外東南即小校場每垂柳曉煙大旗落日列校角射踈蹠步驟今時過境遷猶若彷彿當日軍

旅之壯容初明祖宿重兵九谿南控茅岡西鈐桑植北防容美因塞爲扼故有九名九

谿者前志稱一大河營西一二南斗三魯陽俱營西南四溱溪營南五仁石六張馬七輸贏

八喝堡九斗溪俱營東北案大河淩水也卽古九淵關近錯營西又爲經流未可牽入不若

卽以兩秀水溪當之較爲實錄近理蓋秀水附茅花南麓實稱津要顧桑防者西嚮爭

利所必當重扼矣顧寧人策九永見爲澗岡崎嶇篳笮蒙密江防上游扼吭銷逆法在

### 慈利縣志

地理

八

募勇敢益朦朧然而百年以還桑鶴內附我圉晏謐時勢旣殊九谿營前遂裁罷然入民國袁世凱竊帝湯薊銘來爲爪牙頗嗜殺人民黨挺走二十都竟有假名揭旗者紛紛藉藉九谿一隅乃爲奸藪其後七年卿軍戍桑植用拉夫蠱孽妖婦劉周氏乘民怒揭竿卿部棄江垵又棄九谿都市幸不爲煨燼間僅一髮驚將之不勝兵責固有歸而因噎廢食輕率撤衛父老到今太息遺算然則顧氏之論其可遂目之爲芻狗乎自清雍正改土爰罷衛學復大汰兵額其後乾隆北山又廢稻穀銳減氓士失職軍人因益貧弱昔之園廛十九廢墾故墟禾黍高低塞眼然土儉人稠無救飢凍比閭相擅惟饒好柑歲貨金錢合數百萬光緒以還漸有藝植桑麻者細民趨利一人獲贏羣更相效襲故舊俗倘或可祛近者裁營做工喫飯人有奮心重以北山成墾昔之盤馬彎弓一變而服勞任土女織男耕舉熙熙有稼穡作甘自食其力之朝氣比而論之失馬得馬其爲禍福正可推見城東北有興國寺殿屋壯邃足資游眺寺創始傳自李唐今驗刻鐘之文有署嘉泰元年者嘉泰宋南渡紀年意其來蓋久矣舊頗饒租入僧眾溫飽光



緒初李蓮航等立學澗江割寺羨租六十石入書院僧怨失利上訴刑部事下按察使覺誣知縣復助之爲杖僧具獄久之僧復蠱游擊某勒書院還田羣論蠲泐訴狀提督某因去職貞下起元游擊故廨變爲學校北山歲入又擅半額文翁李陽冰之爲福蜀民曰富曰教乃併在一時此邦之人異時興起蓋日中天矣李蓮航者實產九谿自雍正裁衛學人廢讀書蓮航以兵家子起爲諸生壯習刑名稱諸侯上客少子字虎村者又復秀發梁啓超黃忠浩熊希齡於其父子皆極推崇庚子漢口第一次革命虎村見殺湘吏窮株連並坐蓮航當時冤之然黨魁名姓特若赫然逮乎辛亥里人唐以祀浴其餘烈舉旗宜昌清社以屋至今談開國史者行九谿之墟出江垵之市往往憑弔徘徊不忍卒去故明時隍垣完整吏士文讌多集城南樓上有詩刻論者以方韓陵片石明陳世蘊行部九谿登南樓詩鏡歌鼓吹咽江流小隊元戎此勝游天設畫圖山遠近地蒸嵐氣樹沉浮胡牀不淺元規興邊徽寧忘祀國憂更上一層行極目巴丘昔日是并後堞圯或徙之文昌宮又郭東仙侶洞磨崖題署篇什亦盛無名氏仙侶洞詩曉色藍高澗下拱秀亂峰寒地迴龍蛇窟天開虎豹關羽林軍莫答春意滿長安又周叙詩挂壁虬龍路可撥石扉斜處恍通軒不須鄂渚招黃鶴自有西湖喚白猿三楚古來多

# 慈利縣志

地理

九

福地九谿今即是仙源欲尋漁父滄浪處幾度問山山不言洞上爲鳴鳳山山有寺曰夕陽吳恭亨寺居二詠其一

至空山滿夕陽誰訪夕陽寺其二團團雲出寺旁即故澗江書院又有出谷亭亭書院山漠漠帆歸浦隱几江聲喧九谿昨夜雨

今併廢田宗文出谷亭詩鳴榔隨曉浪出谷此登亭洞自仙爲侶人慙其西北高處曰

紫駝之峰一統志紫駝峰在九谿巡司之北形如駝立峰陰壁削橫數十里冠絕羣山

案志據一峰言之耳今通號北山鳴鳳亦即其迤南之一麓江垵在九谿南岸即古澗

口市瀕澗之大集也列廛跨阜高下因之集市羣賈率籍豫章光豐之交物力猶盛財

貨浩穰人擅奇羨近則中替然亦有闢田園長子孫者財窮而相率反本敦樸亦市廛

之良畫也前志載瀨厓有橫崖壑澧紀著之康應瑚爲作記曲狀險峭按記文言壑去

澗口市十餘里澗口今江垵也徧驗竟無其地豈康說妄邪則知鑿空談天騫衍滑稽

文士之誕言炫異蓋古今類然矣

又折南徑關門巖十里屆滕家河老虎岫老鴉泉二水自西南來分注之又東三里徑畢

家平魚三溪水自南來注之又東屈北七里仁石溪水自西北來注之是屆象耳之市又



東七里徑月巖折南屆周公渡蠻兒溪水自北來注之自九谿以至月巖之東其山行皆遠於漚中多平田爰饒百穀

關門崖亦以橫石攔江得名間道趨桑庸者皆徑此西渡東厓有矮阜蜿蜒南行是曰天馬之山一統志所謂遠望屹然鎖斷江流形如天馬者是也其南有山西出曰虎頭之山與天馬犬牙錯躡虎頭山一名屏山二山者天馬如馬虎頭如虎一統志以為在九谿巡司東而省志併入之今臨澧豈誤故安福所為今臨澧縣邪然亦疎矣漚水又南徑芭蕉灣折西逆行始與驛塗相背已又屈南屆滕家河右得老虎岫水漚之東出九谿瀕南百里僅溪澗三五又並細流無專名前志不具載之卓矣環老虎岫之背西曰連平北曰李石之平並高原曠豁九谿志稱連平有朔州知州潘應賓墓今碑刻具存潘起貢籍仕終專城而行事晦闕子姓亦微岫東踰小阜曰唐家之洲是瀕漚西廣

州平迥麥穀二熟

吳恭亨唐劉翁墓志銘君慈利唐劉氏諱長慶字寓庭祖諱紹春父諱天文配孫氏楊氏劉自鶴峰來徙世農也君亦農唐

洲之田於縣稱上上君治田才任其土故於唐家洲有一子二女四孫子景坤前辰州營都九月初七日年八十三卒卒之六月葬唐家洲

### 慈利縣志

地理

十

司孫運鴻宜章武岡寧遠知事女適譚趙劉吳故昏姻恭享之識君在五十前見君  
所畫僕僕非短衣首笠荷鋤雜作備保治田功即從三老里正坐公共場所高院大談  
裁判人爭競是非曲直一言不讐勃然推案起唾曰某也願弱某也弱金錢故懾若今日  
廣場有劉某在寧聽若暴邪可了趣之否則必相待于縣庭某也弱金錢故懾若今日  
者可也一恭享者故以負氣敢言乎里下至是選君往內顧藉願性實非豪侈晚歲景  
急來告一如裁判人爭競之豪信乎里下至是選君往內顧藉願性實非豪侈晚歲景  
坤運鴻已服官政祿入豐夥矣恭享見君多高年吾高會祖卒年皆踰九十最少如吾祖  
與有清相終始而族無一凍餓者男婦多高年吾高會祖卒年皆踰九十最少如吾祖  
亦八十三是皆奇福之可推見者乎君死前羣盜如毛殺人剽貨相聞獨不一犯君門  
中庸論大德位祿名壽斷為必得若君者其天之私之與抑非也銘曰吾有恒言中華  
所不即斬滅維繫之功多數勞農惟勞故稱良又南右得老鴉泉水水出湖塌一名清  
農今驗淳風請視茲封匹夫厚俗下告無終

水溪凡十澗高湍峻沿溪曲折民並設碓臼激水糜木不假人力號曰香粉稍東魚三

溪亦同此擅利魚三小水也漚水徑此折北屆象耳橋西左得仁石溪水相傳譚添麟  
征苗過軍此溪苗乘高投石軍眾匿一巨崖下得免故名崖仁石其水出白巖壁東南

流徑上下西連西連故饒好茶近紅茶擅贏民藝日盛販者飾之出海號鶴峰幫鶴峰

幫者西賈品其與寧都同為中土第一實則鶴峰不能專有大率半出縣北鄙云又東

南徑中觜右得板莊平水左得杉刀巖水各七又南徑向家溪向家前志書作響夾水



道提綱列漉北各水有響夾無仁石蓋被一地而名之耳又折東左右得雙龍泉水又東南徑旭日塌右得桑樹彎水又東南屆於牛車之平五年討袁義旗紛起半皆羣盜六月袁死猶不解散一隊近百盤據象耳橋左近苛責供應少悟豕怒一日甚雨環東北西礮鳴眾方錯愕帕首握刀者已破門羣入短兵肉薄呼殺聲殷天盜眾潰竄一團丁赤膊白刃追奔及之牛車平連馘六級鄉團急自衛併命死鬪以此役為激烈矣左得庸溪水水出稻場埡徑大尖山之陰渴流來注凡六大尖漉北最高秀名山也一峰峭立上下百里瞻以辨方吳恭亨黎家平出山西眺大尖山詩其一出山十里豁西日亂朱般高下澗岡秀縱橫林野間供奇極半眺發興阻孤攀真作栖栖者嗟予往更還其二拔地一峰特峨峨傲若矜每瞻入雲其西少卑曰小尖寺卻羨住山僧玄髮憐吾改蒼崖憶昔登經行百漂泊兀是坐無能

俗儒生喜以雅文改地書若茲之類炫奇成妄徒資矜哂仁石水又南徑譚家平屆仁石橋東而入於漉凡七自仁石之西北萬峰雜襲湊若魚鱗土著之毗檻縷侏儻罕與

世事其長老有累禩不見官府旌蓋者而吏亦睨若甌脫特羈縻臨治以幸無事俗又

### 慈利縣志

地理

十一

儉敝游販匿迹故其土風於縣為特殊象耳小市也有百家之集驛塗經焉矮邱南橫遮若短垣漉又在邱南爰為水步市西距縣水約百里汛發艇疾一篙二槳俄頃即東故旅行者專守此候船若冬令漲落撥船分罈間日往還亦利賈舶又東二里徑仁和之鋪鋪又東曰李子之岡是為康解元葬處康有文譽積學植行稱縣中開山甫得一舉遽卒輦下萬里歸櫬宅此片土學術失競由縣不幸至今過墓人有餘哀少北則明譚鉞遺宅也鉞字孝峰終柳州知府而前志不著宅有老桂傳來自海南蓋鉞又嘗為廣東提學其家譜具述之如此漉水又東有灘曰牛矢碎石蟠結橫波若輪百斛經漲動遭摧損自吳道軒來宅此旁出金鑿之舟航相慶訖成利涉後吳殂即葬其西南帆

庵田金楠吳道軒翁墓表慈利自前世徒手經商起家至巨萬者往往多贛籍人而起於商能以文學教子弟世其家則以吾道軒翁為稱首翁江西東鄉吳氏諱達五孤

童赤貧年十六岸然手一盞肩一袱走湖南津市商焉凡數徙定居慈利象耳橋之月巖有二子七孫年六十八卒清同治十三年十月初三日也明年葬帆庵翁雖晦於商

顧好客喜為詩其詩友曰黃岐農道讓朱恂叔先敏黃碧川照臨楊福堂長春照臨後官山西按察使方初識翁於其至倒屣迎笑曰詩人來矣見重蓋至如此晚歲翁長孫

恭亨就傅石門蘇麗泉開鎔者新第進士謁翁翁以其老於文遣一力往還走三百里取塾課質之開鎔為挑鐙評隲倦而起旋失足墜樓下至今談者猶言吳家翁傳示其



孫課文幾殺一藤進士金桶不識翁其所著掃葉山房詩集亦未之見第見恭亨庚戌雜詩引翁夜雨窗前尋舊夢夕陽江上問來船二懷人斷句以為誠無愧詩人於是翁卒五十年矣其時雖遠而文學所孕乃日發皇光大遂謹

又南月巖為吳故居其下有壯井井西有辱泉並能溉物吳道軒詩所謂二泉聲裏是

吾家者也月巖者當南山盡處石壁塹立若列半几又似弦月斯因以受號與又東折

南屆周公渡左得蠻兒溪水凡七初漫南北市易木子號大宗下游來販咸萃縣城歲

交十月瀕瀟上下分步置船船又分幫野淨雲麗霰雪不至連檣簇集泊之半江若周

公渡及柳子泉及石汊河並皆大步也由周公渡南迤又有二灘爰善膠舟上曰觀音

其下野豬每水潦伏縮峨編扼淺前邪後許于喁悽和響動崖谷循是折東並危咀高

合詰曲衍迤宛若江行經夔巫間矣吳恭亨出漫詩萬山包無縫一水坼其腹諸崖若垣壙對立與迫東上漏團團天影窮日月浴我行

東出漫百灘百險續船篙以爭石石甲而伏雄雷所激薄勇騰亦沮縮斗茲十丈落跌為半潭綠誰云清冷水俄頃舟可覆出坎天幸在擊汰吾願足漂轉嗟何為轅駒歎

促局

又折東三十五里徑夜沙柳子二泉屆於石汊之河張馬輸贏合堡三溪水交流自西北

# 慈利縣志

地理

十一

來注之

夜沙伏泉也北出注瀟瀟厓民又列屋作香粉束水轉確春杵伊軋祕巖無人舟聽倍

喧淩水徑此匯為雞公潭潭北有白巖上坼若雞故名又東徑柳子泉屆於石汊之河

有灘曰石汊之磴石斗水立一落十丈飛舸疾下翩若鳥逝其北厓即張馬輸贏合堡

三溪合注口也三水並南趨中輸贏東合堡西張馬張馬水出暮雲岫東南流右得小

溪峪水又南徑鍋場右得朱尖峪水又南屆梯二磴出山折東徑楊家場右得白龍泉

水左得清水溪水又東徑吳家塌故土司吳姓建牙處也今遺廨甬壁尙存明氏土司

吳唐向卓四姓號盛並頒有鐵券滿清因之羈縻不絕及後改土始革世守猶然聽其

嗣襲部為給劄顧第空銜無糧賜久之益猥賤有當襲者賄縣隸注名而已又東徑黃

虎平右得趙家鋪水錯黃虎東西並皆平土腴阡十里稻穀充羨里氓機織又盛相擅

販者結幫西趨江垣日貨金錢不劫十萬又東屆於櫛木之橋橋亦縣大墟也民會日

中一旬再集號曰趕場陳市之貨鱗次露積交易既捷直又特廉故每會男婦動至萬



人其南有寺曰興應頗饒租入僧眾怙贏連有訟爭都人病之訴狀於官今廢寺爲漚

北小學又東折南屈於竹園之平與輸贏溪水合凡五里輸贏水出槽子溪東流右得牛

鼻巖水折南徑莊塌左得石榴坡水右得月娘巖水是曰三岔之溪又南出山徑三涪

山右得三涪泉水一統志所謂一日三潮高二三尺者也又南合堡溪水自東北來合

凡十里其右曰趙家之平左曰蕭家之平蕭家平之南有山曰九龍之山羣峰起伏勢若

龍盤旁多莫氏莊業原阪所錯民悉植松密柯茂蔭鬱鬱蒼蒼稼穡之澤爰見喬木九

龍東十五里曰斗溪前志所謂九谿之一也疊巘入雲水出其下旋即伏流由斗溪東

北逾山十五里是界石門黃場在焉水經注黃水出零陽縣西北連巫山一名黃石溪出雄

黃其水北注於渫案注稱鑿石數丈方得佳黃疑黃之出始原屬平土今則坎而深入

不劫千丈蚩愚徇利螺折猱攀黃氣浸漬毛髮獐赤無復人色不幸巖崩水溢率相與

縱橫窟葬其中其采法專車水其法塹巖皮梯截巨竹解水節節而倒洩之每丈數尺或二丈爲一車凡車至七八十水始涸凡一車役夫自

一人至三四人不等需錢至二十萬緡而鑿黃之費及他無藝浮費稱是嘗以八月舉役至明年

### 慈利縣志

地理

十二

之三月黃出五月役止計盛者可獲黃斤三四萬石每石貨錢約以二十緡爲中價賈

是者恒間歲始一集采否則貨衍售滯雖饒獲猶不能無抵折閱顧大利之在旁睨眈

眈或假名橫奪或短費責償前旌未偃後戈又樹械鬪仇訟往往而是後有良政變法

以止爭卹商以均利其斯縣之當務乎輸贏水既與合堡合又南徑通津鋪鋪有十家

之集縣走九谿第三鋪也小市平田映帶秀谿田登通宿通津橋詩排闥空山鎖寂寥碧鏡明暗臥春宵野亭不解松風劇疑

作寒江半夜潮土著大姓近盛黎氏鋪南有趙家臺爰產佳梨梨主趙姓一株鬱然初冬梨熟

如梓如椀一梨斗穀沿爲常價趙無他產一家八口由之資生神州地大使皆任土一

如此梨積小高大夫詎患貧又南徑觀斗坡右得西流溪水出分水嶺南流徑卓家

平平縱橫十數里映阡上下映帶如冢又南右得回頭山龍窠泉水回頭山者前志稱

自九谿北蜿蜒百里峰勢並東行至此忽西向回抱故名又南徑東嶽觀市市與通津

並爲墟集其東有山曰范丹之山雲髻秀出體峭若浮或以爲卽漢范丹隱處按之後

書無丹隱縣之文疑亦附會又南徑白巖壁折西而注於輸贏之水凡三十里輸贏水又南



徑竹園平合張馬水而南入於漚凡九里

又東徑黃石十里屆長潭河又東二十里屆於飯甑之山爰歧二流一折北曰牛窄之灘一趨南合於易家彎凡又東流五里屆觀嘉渚而滙於澧

黃石者石汊東南二里之山也亦名橫巖圻塹巖迫立洶波激撞估船經汛每憂漂損橫巖圻者向為通道年遠崩墜行者絕跡清光緒中里人復之一徑俛漚危乎高哉道石汊河者咸避麻雀埡之陡峻改而遵此圻上文九谿條關康應瑚記文之謬此即其注脚矣又東屆於長潭之河漚之經周公渡而東率苦山束至此漸即夷曠亦時有墟落水北煤礦尤盛民用以燒石作灰縣石灰號大產而獨長潭為佳審春水淺漲連橋上下貨者爭輳又東徑烏少灘樂指揮墓蹲其南涯穹碑瀕水文漚莫辨宰樹蕪缺又東折南屆於飯甑之山飯甑小邱也孤秀若拳挺立漚口蓋以狀得名矣又東徑牛窄灘吳恭亨徑牛窄灘詩扁舟奪隘出但見天迴旋萬石怒爭立一水淺善膠舟者危憚東北為官埠平即縣城對岸今通曰二十四都瀕厓有漚水亭文山來遊盛有題詠亭

### 慈利縣志

地理

十四

旋亦廢

唐李羣玉同張明府遊漢水亭詩草色綠溪晚梅香生穀紋雲天斂除霽水木籠微曛垂釣坐芳嶼幽禽時一聞何當五柳下酌醴吟庭筠劉宗文次韻詩清

撤江疑淺亭高晃水紋洗天一雲雨照地半痕曛漁

平之北十里曰道人之山積峰負

天迴眺雄闊少西曰亞門之關高巖對立一徑危附縣北第一門戶也

吳恭亨雪出亞門關詩出雲斗

豁登高目西照模糊幾點村二水盤蛇自東注萬山如馬盡南奔亭皋雨雪青春急河隴干戈白日昏天步方屨身不用兀措老眼對乾坤田金楠次韻詩吳子好奇不休歌

春寒跨馬出郊村雪花亂向關門落詩句哇如怪石奔蚤歲憂時下為見龍亭又下則

麻寮鋪自亞門度山凡二衢北曰江西埡西北曰九折坡

吳恭亨經九折坡詩岸然天半來狼咆慄人股亂峰似裹

繭將豁還又阻我僕倏已痛登頓互邪許上緣窘孤攀下睨眩一俯洲渚浩莫辨羣峭皆若僂不經登歷高焉得窮所賂陽巖與陰壑一一近可數橫崩南澗雲斜度北峰雨

噫氣俄雄號壁色默慘沮並崎嶇險扼乃者王卿之戰卿敗而逃即坐江西埡九折坡

同時不守地利關係行軍密切乃至若此後來列戍守國之誼厥當重顧漚水又東經

易家灣屆觀嘉渚滙於澧為縣西北乾方距縣人行道二里八分鳥道二里三分經度偏西五度三十七分一十秒緯度極高二十九度十一分五

十五秒春夏盛漲水深三丈餘闊三十餘丈初漚之滙澧在琵琶洲尾其南零水入焉故號三江口明楊璟駐軍三江口受覃屋降即其處也自觀嘉決口其後琵琶洲



亦斷漚漚遂互相出入谷陵田海川流之善移徙蓋曠古一轍矣單盛丙申初夏盛水序

以應時連雨初歇大霧豁空高峰圍其四塞二水交乎近瀨跳波之魚掠絃候逝狎人

之鷗暉煙忘慈息偃此亭盛有詩篇具存其集今斷岸曠然寸椽一瓦無復留遺積朝

兵燹更代遞舟薦人上海下陵望谷以知無方其間有罩屋寨是國初僑月亭亭兀立孤秀入末土與賊飯餽

山東西對蹲薦舟人上海下陵望谷以知無方其間有罩屋寨是國初僑月亭亭兀立孤秀入末土與賊飯餽

險剽劫不可為舒大宮明祖霍御命將鬼奇者懸如龍跋久乃烏伏者又西邊千飯餽山而南羣峭

偏湊猝不可為舒大宮明祖霍御命將鬼奇者懸如龍跋久乃烏伏者又西邊千飯餽山而南羣峭

人南岸瀕下水樂璿相屬如碑一或曰皇墳戒無輕犯以碑相證其縷頗詳矣再西北泝兩岸

土為壟上四堆相屬如碑一或曰皇墳戒無輕犯以碑相證其縷頗詳矣再西北泝兩岸

益狹劣儘容二舟灘密湍疾十斛之艇更需纜挽前曳焉因相與廢然命柅徐返昔炎武

入縣處凡又二舟灘密湍疾十斛之艇更需纜挽前曳焉因相與廢然命柅徐返昔炎武

顧氏著澧利病非而亂石蟠附瀟宿善膠水戰餘皇亦無所施舟師策應地控守茲則桑

鶴改土形勢迴非而亂石蟠附瀟宿善膠水戰餘皇亦無所施舟師策應地控守茲則桑

或泣而髮嗟乎自東虜以靖將帥無功乎凡有血氣誰無悲憤夫安可酣處遍江之介婦人

而游亦不礙其泄食息雖汲爾觀抑豈無扼塞之譏耶雖盛丙聞之安固不可革之當省

益推求乎蓋逆兒叛子之阻于戈命節帥親臣之高冒險徂征其事皆若可資砭訂焉故

則又怵然於茲也盛丙之阻于戈命節帥親臣之高冒險徂征其事皆若可資砭訂焉故

謹著之以為序云

舟瀟水之序云

慈利縣志

地理



正誤表 係橫線其凡夾注訛文字數一依大直線計數者從其便也其各圖之訛則多數可部  
 居姑散見之閱者從  
 其類為鈎考可矣

卷首

圖	幅	誤	正
例	上	鏟	鑛
三	上	崧	崧暮雲
三	上	英	英石英
九	下	峪	溪朱家
十	上	余	胡臺胡家
十	上	舌	吉灣吉巖
十三	上	余家台	在九都
十五	下	斗笠	笠下脫

二二	下	白虎山	虎上脫
二四	下	曲獄署	典獄署
二五	上	兩溪△	兩溪△
二五	上	長壽△	長壽下
二五	下	漁浦△	漁浦△

卷一地理第一之一

葉	行	字	誤	正
四	二十四	七	二	一
七	一	八	朱	珠

卷二地理第一之二都區表

慈利縣志

正誤表

葉	行	字	誤	正
四	十三	三十四	銘	鈴
四	十四	二十七	嶺	磴
五	三	二	頭	頸
六	二十一	二十五	千	千
六	二十一	二十七	山	田
六	二十四	二	沙	河
七	十四	一	橋	廠
八	五	二十四	平	山
八	八	十七	嶺	峪
八	二十二	十四至	柴家山	衍文
九	五	二十六	心	形

九	九	二十五	河	何
九	二十一	十一	巖	界
葉	行	字	誤	正
三	十	二十二	汛	汎
六	二	二十一	又	又
六	二十一	六十	析	祈
七	一	九	又	右
八	二	二十六	驗	驗
九	四	十五	刼	劫
九	十三	十九	經	徑
十	十一	十八	作	非

卷三地理第一之三澧水



十	二十	二十二	二十二	換	煥	七	六	二十八	汛	汛
十一	二十三	三十一	逢	逢	逢	十	十一	一	州	洲
十一	十二	十三	摧	摧	摧	十	十五	四十八	乎	手
十五	五	三十三	汛	汛	汛	十一	十二	二十五	羈	羈
十七	十三	十八	若	若	萬	十一	十四	二十三	汛	汛
十七	十六	六十五	劫	劫	劫	十二	十五	二十九	屈	屈
十七	二十二	八	蚨	蚨	跌	十二	二十	二十二	羈	羈
卷四 地理第一之四 澗水										
葉	行	字	誤	正		十四	二十	三十九	碎	碎
二	四	二十九	汛	汛		十五	五	二十六	邊	迤
三	五	十四	扼	阨		十五	十	六十六	省	損
四	八	六	沂	沂						

慈利縣志

正誤表